

Februari 22, 2021

www.awemainta.com

www.facebook.com/awemainta

noticia@awemainta.com

583-1400



AWEMainta

ALAN HOWELL, LIDER NOBO DI POR



**INVEST
SECURE**



We don't just say it ... We Guarantee it !!!

You can focus on your business

If you leave your security protection up to us.

Call 582-7252 for a free presentation.

Email: insec@setarnet.aw



DESPUES di retiro di fundador di POR, Otmar Oduber y despues cu Andin Bikker a anuncia cu e no ta interesa pa sigui mas den politica, pero awor e lo tin cu consulta cu su famia y cu su siguidornan, diasabra ultimo, sorprendentemente den un reunion extra-ordinario enbes di un Congreso, manera statutonan di partido ta bisa ora di apunta un lider, Alan Howell a keda apunta como lider nobo di POR.

E no ta un votegether, manera esnan di POR ta kere cu e ta, pero a dun'e beneficio di duda. Hopi a kere cu Otmar Oduber lo haci un comeback, pero awor a resulta di no t'e caso. Alan Howell a bin ta profila su mes como un luchador pa San Nicolas y becindario, pero nada pa demas districtornan. Anto hamas e por pensa di logra e votonan cu POR tabatin pa saca 2 asiento. Ademas hopi hende no ta kere den capacidad di Alan Howell, y hasta e ta ser un sospechoso, cu e tin manteca riba su cabez, cu su compania pa seguridad di e.o. Serlimar. Conclusion ta cu partido POR a bay pa historia for di awe caba.

Market Leader of Business Software in the Caribbean

= exact

Solutions for:

- Finance
- Wholesale Distribution
- Professional Services
- HRM, CRM and BPM

VCC
International NV

*Supports All Your
Business Activities & Processes!*

Tel. 583-7072 | info@vcc-int.com | www.vcc-int.com

Serlimar a kita bari di sushi na varios cas pa falta di cumplimento di pago



PA dos siman caba e compania di recogemento di sushi di cas, esta Serlimar, a dicidi di inicia cu su maneho nobo, pa trata di reorganisa e compania cu ta tambaleando na rand di bancarota.

For di tempo di ex Minister Otmar Oduber, a hinca un plan di maneho den otro caminda a bay over na cobra pa recogemento di sushi di cas, den un esfuerso pa haya fondo necesario p'asina cumpli cu su obligacionnan.

Serlimar pa hopi tempo ta biba segun subsidio di Gobierno, pero cu ultimo tempo debi na decisionnan malo tuma cu e compania, e situacion financiero a empeora ainda mas, ainda despues cu e ex Minister a bin Parlamento pa haya mas fondo pa saca e compania for di otro situacion financiero delicado.

E maneho malo a bira algo serio y cual a ser denuncia den un forma amplio p'e otro ex Minister encarga cu Serlimar, esta Marisol Lopez Tromp y caminda den reunion publico di Parlamento, den cual fraccion di MEP a presenta un mocion di desconfianza contra di Minister Marisol.

Sinembargo ora cu e ex mandatario a divulga un maneho sin pia ni cabes n'e compania aki, e mocion no a wordo trata, pero mas despues tog a logra di core cu Marisol y maneho di Serlimar awor ta un asunto di Prome Minister Evelyn Wever Croes.

Mientras cu na dos ocasion a evita bancarota di e compania, a logra na retira e Director nombra pa ex Minister Otmar Oduber y a cuminsa busca un forma pa mira na unda por crea fondo p'e compania cuminsa para financieramente riba su propio pia.

Mucho no a bin dilanti di e maneho nobo, esaki si dado caso tin un maneho nobo, pero den pueblo a drenta informacion cu Serlimar den ultimo siman- y dianan, a cuminsa bay na cas di ciudadanonan, y bay cu e containernan di sushi di e compania caminda despues a bin resulta cu e maneho awor, ta cu lo tuma medida contra di esnan cu no ta pagando manera a wordo stipula, pa recogemento di sushi.

Tin hopi cas di famia a ricibi e bishita aki, un pick up pa para y a piki un of dos container di Serlimar y bay cu esakinan sin duna un aviso n'esnan cu ta biba n'e cas kendenan despues ta wordo informa cu nan ta atras cu pago di nan cuenta pa recogemento di sushi.

Enberdad e ta un forma pa inicia e proceso aki p'asina logra cu tur hende ta paga nan debe atrasa, pero ta mesun Gabinete Wever Croes aki ta papia di un 'normal nobo' caminda segun cifra di Gobierno, tin mas cu 17 mil hende cu a perde nan trabou den e pandemia y nan ta biba cu menos entrada ya cu nan ta depende di e Proyecto di Fase of di salaris subsidie.

Pues e placa no ta yega ni pa cumpli cu gastonan di awa y coriente, gastonan mensual pa cuminda, gasto di huur di cas, gasto pa paga cuenta di banco pa hipoteca cu nan tin riba nan cas y awor ta wordo confronta cu e maneho di Gobierno aki, esta maneho di Prome Minister.

E situacion a crea hopi inconveniencia ya cu tin hende cu no sa kico haci cu nan sushi di cas awor loke ta habri caminda pa hendenan bay dump esakinan na cualkier lugar habri cu por tin.

Gobierno ni Serlimar no a anuncia e medida aki oficial ainda pues henter comunidad no sa kico ta pasando y kico nan tin cu haci y con nan tin cu paga nan cuenta na Serlimar pa recoge nan sushi di cas.

Eerste y Tweede Kapitein a bandona barco

Alan Howell a bira capitan den e canoa di partido POR

POR a emiti un comunicado di prensa diasabra atardi, den cual ta informa cu e partido a tene un reunion extra ordinario, den cual den forma unanime, a traspasa liderasgo di e partido, pa Alan Howell, Parlamentario p'e fraccion di POR y kende ta Vice Presidente di Parlamento na mes momento.

Segun e comunicado e partido a dicidi di pasa liderasgo over na un generacion mas hoben den politica, pero sin duna mucho aclaracion riba e futuro di Andin Bikker, kende tabata lider interino despues di retiro di fundador di e partido Otmar Oduber.

Na mes momento señor Bikker a mostra cu partido ta kere cu Howell tin cualidadnan y experiencia suficiente pa sigui lidera e partido den e proximo eleccion y na mes momento a mostra cu su persona lo bay consulta cu famia y su nucleo di campaña y e lo tuma un decision si e lo postula su mes como candidato pa eleccion 2021.

Un observacion un tiki sorprendente ya cu luna di februari ta cabando loke ta nifica cu falta solamente 6 luna mas pa haci campaña, loke ta un tempo demasiado cortico pa Andin Bikker recupera di e caida di voto cu el a sufri den eleccion di 2017.

Ta bin acerca cu bishita na cas di votadornan lo ta masha limita mes te na ora cu no bin cambio den e casonan di corona virus, pues Andin Bikker sin duda ta den un situacion hopi precario mirando na mes momento e resultado di su periodo di gobernacion, den cual e actual Gobierno no a haci su mes popular den pueblo cu tanto medida, tanto den e prome dos añu y mey prome cu pandemia y durante di e pandemia.

Den e comunicado partido POR no ta informa riba e rol di e otro miembro di e partido den Parlamento, esta Dellanira Maduro, kende tabata riba number seis di e lista, si su persona lo sigui den politica y si esaki ta corecto si e lo bay como number dos riba e lista blau.



E unico sorpresa di e comunicado di partido POR t'e hecho cu e tin probabilidad cu e partido lo bay eleccion pa di dos ocasion, despues di rumornan constante cu esaki lo no t'e caso, pero conociendo e 'entusiasmo' di e lider nobo Alan Howell, esaki a bira un posibilidad grandi.

Ta conoci cu tabatin rumornan constante cu Howell lo tabata pensando di sigui den politica riba un otro lista, pero no tabatin nada concreto, mesun cos cu Andin Bikker caminda a specula cu si e sigui den politica, esaki lo ta riba lista di partido MEP.

Pero si tuma Alan Howell mes, el a bin ta profila su mes como candidato p'esnan pariba di drug. Y nunca a papia como un Parlamentario di Aruba, manera e mester a traha. Ademá di esaki, Alan Howell tin manteca riba cabez, cu su compania di seguridad, unda cu consentimiento di Otmar Oduber a strika hopi placa na e.o Serlimar. Alan Howell hamas ta ser considera como un persona integro y como tal no por pasa e screening pa bira Parlamentario un biaha mas. Loke lo nifica cu Alan Howell lo yuda zink partido POR.

Despues di apenas un eleccion, POR ta perde e nucleo politico riba cual e partido a wordo funda, esta caminda cu Otmar Oduber como lider, Andin Bikker na di dos puesto y Marisol Lopez Tromp como di tres candidato, e partido a spera un resultado di eleccion cu 5 asiento, pero esaki no a resulta di t'e caso.



Cu solamente dos asiento di cual uno tabata pa medio di 'restzetel' e partido tog a logra di drenta Gobierno formando un Gobierno di coalicion hunto cu MEP cu tabatin 9 asiento y partido RED cu tabatin un solo asiento. Riba e lista di POR den eleccion 2017, ta solamente e lider retira Otmar Oduber a logra saca su mes pa voto popular cu 1808 voto, mientras cu Andin Bikker, kende den eleccion di 2013 a saca su mes tambe, a cay te na 1086 asiento, mientras cu Marisol Lopez Tromp a cay den popularidad logrando solamente 457 voto personal. Pues aki e lider nobo Alan Howell lo tin un tarea grandi pa mira con e partido lo por retene 3350 voto cu si Bikker no bay eleccion, e partido no ta sigur di nan cual sin duda ta un tarea hopi, pero hopi grandi.

Tin cu menciona cu ta spera cu partido POR lo presenta un lista totalmente otro cu cual el a bay eleccion na 2017 mirando cu riba e lista aki, fuera di Alan Howell cu 461 y Dellanira Maduro cu 160, ta solamente Jairo Maduro cu 110, Curtis Fraser cu 160 y Gerald Montero cu 130, t'e uniconan cu a logra si supera e total di 100 voto personal.

Pues di 29 candidato riba e list ana 2017, solamente 8 candidato a logra mas cu 100 voto loke ta un indicacion cu mester bin cambio riba e lista sin duda.

Si analisa e resultado di 2017 por mostra cu n'e momentonan aki partido POR lo no logra haya un asiento den e proximo proceso electoral na luna di september di e aña aki.

Covid-19 a costa bida di miyones di hende rond mundo

Motibo pa cuestiona tur e 'hulala' cu Gobierno ta promoviendo cu vacuna



DESDE cu e pandemia di corona virus a plama rond mundo na luna di maart di 2020, e Covid-19 aki a costa bida di miyones di hende, den tur skina di e planeta, sin spaar ningun pais.

Autoridadnan di salud ta kere cu ainda lo tuma un tempo prome cu lo por tin e pandemia aki bou di control y cu esaki lo costa bida di mucho mas hende prome cu mundo wordo alivia di e desaster aki.

Loke ya ta creando un alivio, pero ainda no un solucion defintivo, t'e vacuna cu awor ta posibel y cu lo proteha comunidadnan mas fuerte contra contagio di e bacteria mortal aki ya cu ta un hecho asina extremadamente grandi, pa logra vacuna mundo henter contra di e virus aki.

E lucha ta inmenso, hendenan bon di salud cu ta profesionalnan den cuida medico rond mundo, tambe ta perdiendo nan bida pa motibo di contagio cu Covid-19, den cierto forma den nan lucha pa salba bida di otro, nan mes a perde nan bida cu ta algo sumamente cruel.

Tin miyones di hendenan di edad a muri caba y mas lo muri den siguiente lunanan, caminda e drama tabata asina mas grandi den centronan di cuida pa hendenan di edad halto.

Fuera di e drama grandi aki cu bida y salud di hende, tin e drama di economia di casi tur pais cu a cay den otro, miyones di hende cu a perde nan trabou y no tin entrada, ocasionando otro drama riba nivel social y financiero.

Tur dia por lesa na varios pais casonan di suicidio ta aumentando, di hendenan cu a consecuencia di e pandemia, no ta mira un salida pa nan depression, pa nan problemanan sicologico, lamentablemente caminda gran parti ta di hobennan cu a wordo afecta sin igual p'e pandemia.

Aki na Aruba no ta diferente, caminda tambe e pandemia aki a dal duro, a afecta hopi famia, a laga economia y comercio tambaleando, ocasionando aki tambe 70 morto te cu awor.

Cuido medico mescos cu tur otro pais, a sufri bou di e pandemia aki caminda un ciudadano no por ricibi e atencion medico necesario y optimal cu e tin derecho ariba, pa motibo cu henter e sistema ta concentra riba e lucha contra Covid 19.

Recientemente mes tabatin e discusion formal riba con ta trata hasta esnan cu a muri, sernan keri cu no tabatin e afecto humano necesario den nan ultimo dianan, ya cu for di momento cu nan drenta den e fase delicado di e virus aki, nan ta totalmente bandona pa nan famia segun protocolnan vigente.

Un famia renombra a dicidi cu nan si ta reta e reglanan aki, ya cu nan amor pa nan mama ta mas grandi cu cualkier otro cos y a surgi un discusion formal riba e forma di procede aki ora c'un persona cu a muri di Covid 19, tin cu wordo dera.

Pues no ta wega tin, ta un lucha cruel, un lucha hopi sentimental y mas cu tur cos un lucha sumamente tristo henter humanidad ta hibando rond mundo pa casi un aña caba.

Ta p'e motibonan tristo aki tambe tin cu cuestiona con Gabinete Wever Croes ta manehando e situacion principalmente awor cu yega di vacuna na Aruba, caminda a hinca henter un show den otro cu simplemente no ta cuadra cu e escenario tristo di henter mundo.

Ta casi sigur cu pilotonan di e avion di KLM cu a yega siman pasa cu e prome cargamento di vacuna, a keda sorprendi cu nan a wordo ricibi y trucknan di bombero cu tabata spuit awa, cual ceremonia asina ta wordo teni solamente ora c'un compania di aviacion haci su 'maiden voyage' pa Aruba.

Despues henter e parada di transporte di e vacuna, caminda e tabata parti riba un escenario di autonan di Polis guiando un parada di Carnaval y cu sirena y tur cos.

Pa completa obra cu Gobierno insistiendo pa gana popularidad politico cu e yegada di e vacuna aki, na diferente sitio por a nota actividadnan di hubilo, di alegria pa motibo cu e prome grupo tabata haya nan vacuna.

Simplemente no tabata motibo pa celebra, no tabata motibo pa haci un tipo di 'public relation' pa e asunto serio aki, ya cu no por lubida cuanto hende a muri p'e virus aki y cuanto hende ainda lo muri prome cu e cos aki ta tras di lomba.

Gobierno mester ta mas serio cu e asunto aki y no transforma den un tipo di show politico pa trata di gana punto den pleno campaña electoral.

Na maart awor, lo sa kende lo bira rector nobo di UA

FOR di augustus 2020, Universidad di Aruba (UA) a keda sin rector, despues cu drs. Glenn Thode a muda pa Hulanda. Maske el a haci proposicion pa sigui haci su trabao di rector for di Hulanda, pero Colegio di Curatornan a haya cu esaki no por. Ademá e no saludable pa UA.

Di biaha a cuminsa busca un rector nobo, y sorprendentemente tin masha interes p'e vacatura aki. Ta di spera cu pa cu Apertura di Aña Academico nobo, lo tin un rector nobo pa UA.

E interes ta grandi, unda a drenta sigur un 100 solicitud, tanto local como internacional. Di acuerdo cu nos informacion, a logra haya 9 candidato potencial, kendenan tur a ser entrevista p'e team di seleccion, sosteni pa Deloitte. Despues di e prome rond aki, a keda cu 2 candidato, cu kendenan negociacionnan a cuminsa, pero no a keda cla ainda. E.o. ta negocia e condicion di trabao y asina mes mester haya punto di bista di Minister di Enseñanza, Rudy Lampe pa cu rector nobo aki.



Conocedornan ta kere cu den e prome 2 simannan di maart, lo tin claridad cua di e 2 candidatonan potencial lo haya e confianza pa dirigi UA. Minister Rudy Lampe y Colegio van Curatornan lo kier analisa e plannan di e rector nobo, con e por hiba UA na un otro nivel.

No por keda sin menciona cu e forma cu Glenn Thode a bay Hulanda, no ta di aprecia. Esaki sigur no a cay den bon tera serca Minister Rudy Lampe y serca Colegio di Curatornan. Den e convenio nobo lo bin cu un clausula cu tipo di acto asina no ripiti.

HURRY AND GRAB YOUR FAVORITE SMARTPHONE



iPhone XS MAX

- 12 MP main camera
- 7 MP Selfie camera
- 64 GB internal memory

Postpaid¹

Afl. ~~1727,-~~

Afl. **1327,-**

iPhone XS

- 64 GB internal memory
- Charge wirelessly
- Dual-camera system

Postpaid¹


Afl. ~~1505,-~~

Afl. **1055,-**

¹Prijs ta valido cu contract di renobacion di 2 aña di Postpaid U di Afl. 111,- pa luna cu 12 GB di LTE Data, 3000 min y 1000 SMS di SETAR pa SETAR y 100 min Internacional. Promocion ta valido te cu 27 di Februari 2021 tanten cu tin den stock.

 **SETAR**
setar.aw | Teleshops

Restaura un monumento den su gloria y e lo conta bo su storia



E aña aki ta cumpli 25 aña cu Aruba ta conservando nos herencia cultural den forma di monumento. E trabou di conservacion di nos monumentonan ta den man di tres instancia, Consejo di Monumento (Monumentenraad), Oficina di Monumento (Monumentenbureau) y Fundacion Fondo di Monumento (Monumentenfonds).

Pa conmemora e 25 aniversario, Monumentenbureau y Monumentenfonds lo organisa diferente actividad pa brinda informacion y conscientisa pueblo riba e importancia di conservacion di nos monumentonan como herencia cultural di nos pais. Recientemente Minister Maduro a participa na un programa informativo di Monumentenfonds, den cual e mandatario a amplia riba e importancia pa conserva monumento. ‘Restaura un monumento den su gloria y e lo conta su storia,’ t’e palabranan cu Minister Maduro a usa den e entrevista p’e programa informativo di Monumentenfonds na ocasion di 25 aña di conservacion di monumento na pais Aruba. Den transcurso di e añanan hopi monumento a wordo restaura y ta ricibi mantencion. N’e momentonan aki mes, Monumentenbureau ta supervisando mantencion di edificio di Corte di Husticia, edificio di ex-Landslaboratorium y e edificio di e refineria Eagle cu ta monumentonan di nos pais.

Minister Xiomara Maduro ta gradici tur 3 instancia encarga cu conservacion di nos monumentonan y ta haci uso di e oportunidad pa gradici tambe tur instancia cu ta duna e monumentonan un bida nobo, dor di huur un monumento pa establece nan oficina of restaurant. Di e manera aki mas monumento por keda conserva y mas persona por siña conoce e monumentonan cu ta conta e storia di nos pais y ta recorda nos tur dia pa nos ta orguyoso di nos herencia cultural. Minister Maduro ta invita tur hende pa sigui e informacion cu Monumentenbureau y Monumentenfonds lo brinda den e dlanan nos dilanti di e monumentonan di nos pais cu ta nos herencia cultural.

Den aña 2021 Gobierno ta keda brinda yudansa pa sigura e sosten social y sosten na economia di nos pais



Gobierno a presupuesta 96 miyon pa sosten social y 362 miyon pa sosten na economia, asina Minister di Finanza, Xiomara Maduro a informa. Tabata den conferencia di prensa di diahuebs ultimo Minister Xiomara Maduro a informa cu den aña 2021 Gobierno ta keda brinda yudansa pa sigura e sosten social y sosten na economia di nos pais den e momentonan aki di e crisis cu e pandemia di Covid-19 ta hinca nos pais aden. E mandatario a indica cu a presupuesta 96 miyon florin pa sosten social pa sigura pagonan di SVb y servicio di AZV. Banda di esaki Gobierno ta reserva 362 miyon florin pa sosten na economia den forma di FASE, Sosten Financiero pa Empresa Chikito y Mediano cada kwartaal (MKB) y Subsidio di Salario.

E crisis economico cu Covid-19 ta hinca mundo y Aruba aden no a pasa ainda. Gobierno ta trahando pa brinda alivio y pa reactiva economia di nos pais cu e fiansanan cu Aruba ta hayando di Hulanda. E mandatario di finansa y economia ta splica cu un gran parti di e placa cu Aruba ta fia di Hulanda ta bay pa sigura cu e fondonan SVb y AZV por keda funciona debidamente durante e situacion di crisis, y tambe pa sigura cu e economia di Aruba por wanta e crisis nunca antes bisto aki na nos pais.

Aruba su economia ta depende di turismo y tanten cu nan no yega bek Aruba, e situacion economico ta keda hopi debil mes. Pa aña 2021 ta premira un mehoracion den turismo, pero esaki no ta bay ta suficiente pa lora Aruba su economia manera custumber y pesey Gobierno ta percura pa den 2021 tambe sigui brinda e sosten necesario na economia di nos pais den forma di FASE, Sosten Financiero di kwartaal y Subsidio di Salario.

LUCKY 3

BO CHENS DI GANA MAS!

MULTI-X

FP X2 X5 X3


Con pa hunga:

	Afl 0.50	Afl 1.00	Afl 2.00	Afl 3.00	Afl 4.00
Lucky 3	Afl 0.50	Afl 1.00	Afl 2.00	Afl 3.00	Afl 4.00
Multi-X	Afl 0.50	Afl 1.00	Afl 2.00	Afl 3.00	Afl 4.00
Gana					
X5	Afl 1.250,-	Afl 2.500,-	Afl 5.000,-	Afl 7.500,-	Afl 10.000,-
X3	Afl 750,-	Afl 1.500,-	Afl 3.000,-	Afl 4.500,-	Afl 6.000,-
X2	Afl 500,-	Afl 1.000,-	Afl 2.000,-	Afl 3.000,-	Afl 4.000,-
FP	Afl 250,-	Afl 500,-	Afl 1.000,-	Afl 1.500,-	Afl 2.000,-
	y Extra Chens	y Extra Chens	y Extra Chens	y Extra Chens	y Extra Chens
BET	Afl 0.50	Afl 1.00	Afl 2.00	Afl 3.00	Afl 4.00
GANAN	Afl 250,-	Afl 500,-	Afl 1.000,-	Afl 1.500,-	Afl 2.000,-

lottoaruba.com

lotto

NASA a baha e land rover 'Perseverance' riba Mars exitosamente



DIA 18 di februari 2021, 20:55 GMT (8:55PM), e rover robot Perseverance a yega planeta Mars y a aterisa den un crater cerca di equator di e planeta cu yama Jezero, unda e lo keda p'e siguiente 2 aña ta perfora den e piedranan local buscando evidencia di bida antiguo.

E ingenieronan di NASA su control di mision na California a erup-ta cu alegria ora nan a haya e confirmacion di e aterisahe exitoso. E obhetivo principal pa Perseverance su mision ta investigacion astrobiologico, un tereno científico concerni cu e origen, evolucion tempran, distribucion y futuro di bida den e universo.

E rover lo caracteriza e planeta su geologia y clima antiguo, y lo t'e prome mision pa colecta y cache piedranan y regolito marciano (di Mars), cu ta un stap grandi pa exploracion humano riba e planeta cora.

Misionnan subsecuente di NASA, den cooperacion cu European Space Agency (ESA), lo manda un astronave na Mars pa colecta e muestranan den cache di e superficie y manda nan bek kinan na Planeta Tera pa analisis profundo.

E mision aki ta parti di NASA su 'Moon to Mars' enfoke di exploracion, cual e meta ta pa manda astronauta na luna y despues pa Mars.

Acerca di e rover, nan ta bezig cu un demonstracion tecnologico pa test e prome buelo di propulsion riba otro planeta, cu e helicopter 'Ingenuity Mars Helicopter'.

El a yega hunto cu Perseverance, pega n'e rover mes, riba e planeta ajeno.

Un serie di test di buelo lo wordo haci den un periodo di 30 dia 'marciano', cu lo cuminsa den temporada di primavera 2021.

E meta di esaki ta pa logra e prome buelo di propulsion riba otro planeta, y si logra esaki pa 20-30 seconde sikiera, e lo wordo considera como un stap masha grandi; un buelo di propulsion den e atmosfera extremadamente fini di Mars.

Mike Watkins, e Director di NASA su Jet Propulsion Laboratory, a añadi:

"There is something special about the first few days (of the mission) because we have just landed a representative of Planet Earth on a place on Mars that no-one has ever been to."



SKOA roept sollicitanten op voor het schooljaar 2021-2022 voor de volgende vacatures:

- **Docenten 2^{de} Graads Nederlands**
Betrekking: 3 Volledige Betrekking
Plaatsing: diverse mavo-scholen

Van de sollicitant wordt verwacht dat hij/zij in het bezit is van een 2^e graads Nederlands diploma; dynamisch is en beschikt over goede contactuele, sociale en communicatieve vaardigheden.

Om op deze vacature te reageren kunnen sollicitanten hun Sollicitatie met Curriculum Vitae, recente pasfoto en een kopie van diploma per email versturen naar onderstaand email adres.

Sollicitatie kunt u richten aan:
Het bestuur van Stichting Katholiek Onderwijs Aruba
Copernicusstraat 11
Oranjestad
E: info@skoa.aw

Kiwanis Club of Aruba a celebra 56 aña brindando servicio boluntario na pueblo di Aruba



DIA 20 februari 1965, Kiwanis Club of Aruba a wordo instala oficialmente como e prome club di Kiwanis na Aruba. For di su inicio, e club a organiza diferente proyecto pa comunidad, cu enfoka riba e muchanan na Aruba.

Durante nan 56 aña di existencia, nan a organisa un centenares di proyecto, haci mas di misionen di donacion na instancia of causanan nacional y internacional, y tambe sosteniendo e programa di liderazgo di servicio pa nos hobennan na diferente scol, semper cu sosten di nos comunidad y comercio.

E club a wordo funda dor di Clinton Whitfield q.e.p.d., kende a sirbi como e club su prome Presidente y a crea un mundo nobo di servicio comunitario riba nos isla. Decadanan despues, naturalmente a bin hopi cambio y desaroyo den e club, pero locual a keda consistente durante 56 di

servicio t'e amor pa nos comunidad, muchanan y humanidad. Kiwanis Club of Aruba ta keda cu su vision pa un mihor futuro pa Aruba y pa mundo henter, cu nan ta demostra den nan proyecto y donacionnan henter aña.

Awor den 2021, e club ta bou di liderazgo di Presidente Ingmar Ramharakh, hunto cu 10 otro miembro di directiva cu un total di 40 miembro.

Trahando hunto, nan ta haci Kiwanis Club of Aruba locual e ta awe, un club enfoka riba e desaroyo di nos isla, dunando oportunidad na personanan den necesidad y luchando pa un mihor futuro pa nos muchanan.

Un danki grandi ta bay na tur miembro, ex-miembro y tambe na tur persona y instancia cu a duna nan aporte. Pa mas informacion, please bishita nos website: www.kiwanisclubofaruba.org



SKOA
STICHTING KATHOLIEK ONDERWIJS ARUBA

SKOA roept sollicitanten op voor het schooljaar 2021-2022 voor de volgende vacature:

- **1 Technisch Onderwijs Assistent**
Betrekking: Volledige betrekking
Plaatsing: Colegio San Antonio

Van de sollicitant wordt verwacht dat hij/zij in het bezit is van het diploma Technisch Onderwijs Assistent niveau post MBO of Apothekerassistent MBO niveau-4; dynamisch is en beschikt over goede contactuele, sociale en communicatieve vaardigheden.

Om op deze vacature te reageren kunnen sollicitanten hun Sollicitatie met Curriculum Vitae, recente pasfoto en een kopie van diploma per email versturen naar onderstaand email adres.

Sollicitatie kunt u richten aan:
Het bestuur van Stichting Katholiek Onderwijs Aruba
Copernicusstraat 11
Oranjestad
E: info@skoaw.aw

Aruba a registra su di 71 morto y 32 caso positivo local nobo di Covid19

SEGUN resumen di ayera di DVG, a registra un total di 46 caso nobo di Covid-19, di cual 14 ta no-residente. E cifra di no-residente positivo ta ensera esnan no-residente cu ta test na Aeropuerto na nan yegada y na laboratorionan prome cu nan bandona Aruba.

E cantidad total di testnan ehecuta diasabra na diferente localidad na Aruba, entre otro laboratorio di hospital, laboratorionan priva y aeropuerto ta 1079 test.

'Postivity rate' entre nos residentenan ta 13% y 44 persona a recupera.

Casonan activo pa ayera ta 286, cantidad di fayecido relaciona cu Covid-19 a aumenta na 71, condolencia na famia di e fayecido. Hospital ta informa cu tin un total di 8 persona interna di cual 4 ta den Cuido Intensivo y 4 riba unidad general di Covid. Edad promedio di esnan ingresa pa extra cuido ta 63 aña.

Agente policial a tira un dama, kende a dicidi di manda auto riba Polis



MANERA AWEMainta a publica caba riba su facebook, diabierna algo prome cu 10'or di anochi, Polis tabata persiguiendo un Kia Picanto blanco numera V-4404, maneha pa un dama aparentemente turista. E chauffeur di e auto aki tabata bayendo direccion pariba y a hit and run na rotonde Pos Chikito y despues na altura di Citgo Savaneta a bolbe hit and run y no a para.

E auto a sigui bay direccion San Nicolas y segun Polis, el a sigui dal varios auto riba e caminda, na altura di House of Cakes a dal frontal contra un autobus. Na dado momento entre House of Cakes y Club Arias, Polis a logra para e Kia Picanto. Nan a cera esaki y a pone a subi acera y bay pega contra un cura di waya. Den e impacto aki un meter di awa a wordo kibra. Algun persona cu ta biba eybanda lo a scucha como 5 tiro cay. Segun Polis e dama chauffeur lo a manda auto riba nan y esaki a pone cu nan lo a los tiro, den cual a e dama lo a ricibi un tiro y a keda herida.

Polis mesora a pidi refuerso di varios colega y tambe a pidi ambulance cu hopi urgencia. Mesora a cera caminda pa cuminsa cu un investigacion. Tambe a pidi pa presencia di Departamento Tecnico di Polis, mirando cu varios tiro lo a cay y mester busca e hulsnan.



E dama, kende aparentemente lo tabata bou influencia di un of otro substancia a wordo transporta pa hospital, mientras e caminda a keda cera pa Polis haci mas investigacion.

Vocero suplente di Polis, sra. Liliana Rasmijn, a manda e siguiente relato. E auto aki a sigui bay direccion San Nicolas. Na altura di retonde FTA patruxa di San Nicolas a topa cu e dicho auto. E patruxa a dune e chauffeur señal pa para, pero ta keda nenga di cumpli cu esaki. A cuminsa un persecucion formal na unda e Kia Picanto a dal den diferente auto y despues dal frontal cu un autobus na altura di House of Cake Savaneta. Ta dado momento a logra para e auto, pero e chauffeur femenino a cuminsa manda e auto dirigi riba Polis. Polis lo mester a usa su arma reglamentario y a los tiro, pero asina mes e chauffeur femenino a sigui core e auto. Polis cu refuerso a logra para e dicho auto aki, pero aki ta unda cu e chauffeur femenino cu tabata bou influencia di un of otro substancia a resisti formalmente cu e agente policial siendo cu e ta herida. Agentenan a domina e situacion y ta logra deteni e persona femenino aki.

Mirando e situacion serio aki, e.o. a notifica Landsrecherche y Slachtofferhulp tambe a wordo poni na altura. E situacion di e chauffeur femenino ta stabiel y a wordo hiba hospital pa mas tratamiento medico avansa.

Despues di a duna un motociclista stopteken, e ta accidenta y keda seriamente herida



DIASABRA anochi den careda di 8:20, Polis ta pidi ambulance cu urgencia net dilanti Exito Supermarket, unda cu un motociclista a accidenta drentando e mondi na su banda drechi.

Informacion compila n'e sitio ta papi cu e Unidad Motorisa di Polis a duna e motociclista un stopteken den area di Wayaca, pero esaki lo no a sigui ordo di autoridad.



Un rato, segun Polis o sea e agente/nan motorisa lo a bin haya e bromer pega contra un pal'di kwihi y e motociclista herida benta banda di dje. Probablemente hendenan lo a mira kico a pasa y bisa Polisnan cu lo a sigui busca e bromer.

Manera nos a bisa anteriormente mesora a pidi ambulance p'e motociclista, kende tabata seriamente herida. Prome ambulance a yega y despues di un rato a yega di dos ambulance unda cu Paramediconan a baha pura y subi den e ambulance cu e victima aden.

N'e sitio por a scucha e motociclista sclamando dolor di lomba, bisando e Paramediconan esey pues e tabata na tino, pero seriamente herida.

Mesora a pidi Especialista di Trafico, Slachtofferhulp, y tambe BFTO (Departamento Tecnico).

Unda e accidente a sosode a pone lint pa despues cuminsa investigacion, y den careda di 10'or takelwagen a presenta pa bay cu e bromer sin number.



Polis mester a usa forza bruto pa detene homber cu enfermedad mental

DIABIERNA merdia den careda di 1'or, varios patruya policial a bay Koningstraat unda un cabayero lo tabata menasa hende cu cuchiu.

Na yegada di Polis nan a wordo instrui cu mester bay cu cautela, debi cu e persona aki ta sufri di enfermedad mental, haciendo e extra peligroso.

E persona aki no ta desconoci pa autoridad, segun nos por a compronde. Na yegada di Polis mesora nan a ripara cu lo tin di detene e cabayero aki, prome e causa daño na otro persona.

Na final el a wordo hinca den transportwagen, unda cu e lo mester a wordo hiba Respaldo pa ricibi su medicamentonan p'e por "funciona" debidamente.



Dama burachi a hit & run, pero a wordo deteni algun minuut despues

DIASABRA anochi pa mas o menos 11:20, a sosode un caso di hit & run n'e salida di ex House of Cheng.


E incidente tabata entre un Kia Sportage (causante) y e otro auto tabata un Kia Rio.

Mesora esnan den e Kia Rio a sigui e Sportage cu a bay para riba e parkeerplaats di Bowling.


Un patruya cu tabata na Citgo Sasaki mesora a bay atende cu e Kia Sportage color cora cu tabata kier a bandona e sitio, pero e patruya a impedi esaki.

Na stuur di e Sportage tabata un dama cu momento el a wordo pidi pa baha di e auto e no por a para riba su pianan, mas cu claro e tabata bastante bebi.

Polis di Trafico a wordo notifica y a presenta n'e sitio pa tuma e caso. N'e sitio e dama a wordo deteni y cu transportwagen a wordo hiba Warda di Polis na Shaba.



Chauffeur di Mitsubishi pick up seriamente herida despues di a bolter riba Green Corridor



DIASABRA algo prome cu mey anochi, informacion a drenta di un accidente serio riba Green Corridor na Pos Chikito. Tabata trata cu un auto a bolter.

Na yegada di Polis, nan a confirma esey y a pidi pa ambulance y tambe pa Departamento di Trafico su presencia.

Loke nan por a saca afo ta cu e auto un Mitsubishi pick up bayendo direccion Drive In, a perde control bayendo na su man robes. Unda el a pasa over di berm bolter y flip algun biaha pasando over di e vangrail y keda benta den e mondi cerca di unda hende ta cana.

N'e sitio a compronde cu e chauffeur a wordo saca di e auto durante cu e tabata bolter. Pues di unda el a perde control, el a keda bolter y bay cay den e mondi pazuid.

Caminda a wordo sera den e ambos banda, esta di rotonde Pos Chikito pa Drive In y vice versa autonnan bayendo direccion Pos Chikito mester a pasa via e brug bieu.

Paramediconan cu a yega n'e sitio a estabilisa e chauffeur bon prome y despues cu ayudo di Polis, el a wordo poni den ambulance y despues pa sali direccion Hospital.



UTV a bolter riba Sasaki, keda mey-mey caminda, y chauffeur a bandona sitio

Aurora Royal Pray Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemisege.
E ta hibaminaawatrankil,
Pa mi bolbehañaforsa".
Salmo: 23

Nos ta anuncia fayecimento di:



Iginia Teodosia Hsing-Dijkhoff
Mihorconocico: "Ina" of "Oma"
*11-01-1936 - †19-02-2020
Vuida di Hing Sang Hsing

Acto di entierro lo wordoanunciadespues.

Aurora Royal Pray Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forza".
Salmo: 23

Nos ta anuncia fayecimento di:



Mariela Bahamon Velasco
*15-08-1965- †17-02-2021

Na nomber di su:

Casa: Daniel Rodríguez
Yiunan: Annie & July
Unico nieto: Jadon
Sobrina cuta na Aruba: Sandra

Y famia cu ta biba den exterior

Ta invita pa e acto d despedida cu lo tuma lugar diamars 23 di februari 2021 di 3 pa 4'or di atardi na misa Pro Catedral San Francisco na Playa, sigi pa acto di cremacion

Nos ta disculpa si den nos tristeza nos por lubida un of otro famia.

Nos ta lamenta cu despues nos no ta recibi bishita di condolencia na cas.

Aurora Royal Pray Funeral Home & Crematory

Mi spirito a dunabida den e mundo y esey ta mi escudo di bida
cu semper lo kedabibo. Mi destino... tabata un destino cu
destinaciondivino...

Riba e rumbo den mundo, canandocamindapa solo, den
direkshon di solo. Mi bidadabata un aventura, canando mi
camindariba e rumbo aki. Mi nacementotabata e solo
lantandoriba un dianobo, y cu e rumbo ta femainta pa atardi
den e rumbo di bida, cu ora e solo baha, mi ta bay cune, na e
sigiente rumbo di bida, y mi bida ta mi spirito, paso for di eynan
mi bida ta bin, for di eynan mi a biba mi bida. Bida ta sigi, aunke
mi lo bay, tambepabocomo pa mi mes. Y riba e rumbo aki lo
crece mas bidanobo, lo wordonaci mas rumbo,
perodimimesterkedadimi. Mi mestercana mi caminda, e
camindacu ta bin door di cana cu fe, mi destinodivino, sigiendo
e solo, e lus di bida, pa un sigiente dia. Si bomesterdimi, corda
nosmemorianan, paso eynan semper mi lo ta cubo. Wak den
bocurazon y mira e shelo, eynan mi lo ta semper.
Esaki no ta ayo, peroteoro.
Skirbi pa: Krishna Mejia

Cu inmenso dolor y tristesiananoscurazon,
peroconforme cu e boluntad di Dios,
Nos ta anunciafayecimento di nos mama, (bisa)wela, ruman y
tanta



Maria Anacelia Quandt
Miho conocicomo Maria of Maria di Orea
19-09-1939 - †03-02-2021

Mayornan:

†Ismael Quandt (Charro) y †Juanita Sevinger (Duchi)

Tata di suyiunan:

†Dionisio Alberto Rincones(Orea)

Yiunan:

Maria Theresa Quandt y famia

Soledad y Pedro Quandt y famia

Junior Quandt y SabrineMontesant y famia

Liliana Quandt y JJ Tromp y famia

Rina y Elpidio Mejia y famia

Nietonan:

Lusadelle Ibarra y famia, Charles Ibarra y famia, Junenaica Ibarra
y famia, Saul Ibarra y famia

Luis Alberto Quandt, NazaryQuandt, FranchescoQuandt y famia
Krishna y Jeshua Mejia

Bisnietonan:

Latisha, Alisha, Charro, Dyarno, Nayra, Carlitos, Vayenne
J'Dion, J'Lyon, Romaissa, Jaheal, Aleny

Rumannan:

AlicioQuandt y famia

† Federico Quandt y famia

†Johens y Fanny Quandt y famia

Victor Quandt y famia

Subrinonan:

Dino Quandt y famia, Alexander Quandt y famia

Carlos Nadal y famia

Lawrence Quandt y famia, Shannon Quandt y famia, Romar
Quandt y famia

Edward Quandt y famia, Francis Quandt y famia

Comer y Compennan:

Elma Vos, OlgitaRincones, Victoria Sevinger, Mayra Aparicio,
Michael Muyale

Y demasfamia-, prima(o-), amiga(o-) y bisiña y demasconocir-
nan cu ta muchuhopi pa menciona.

Ta invita tur famia, amigo y conocirnan pa e acto di entierro lo
tumalugardialuna 22 di februari 2021 nacas Av. Alo Tromp # 52
di 11am pa 3pm. Pa 3.30 pm e lo ta den misa, despues
saliendopa Santana catolicona Playa



DIASABRA algo prome cu 6'or di atardi, presencia di Polis a wordo pidi riba Sasakiweg un poco pariba di ex House of Cheng pa un UTV cu a bolter. Na yegada di patruya di Noord, nan ta bin topa enberdad mey-mey di caminda cu un UTV di Xtreme Island Tour cu a bolter. N'e sitio nan a nota cu tabatin dos UTV y un dama tabata presente. Polis a tuma tur dato di e dama y ta wordo sospecha cu e persona cu a bolter cu e UTV, lo a bandona e sitio mesora despues di e accidente y e dama aki a yega n'e sitio net prome cu Polis a yega pa regla esaki. E doño di e compania di e UTV a yega n'e sitio y despues di a bolter e UTV bek riba su 4 wielnan, a hibe UTV na su cas cu ta keda basta cerca di caminda cu nan a bolter cu ne.

Xpresa bo mes

Andin Bikker ta bay MEP y laga Allan Howell sink cu POR

E reciente informacion cu Andin Bikker a traspasa liderasgo di Partido Pueblo Orguyoso y Respeta 'POR' pa Allan Howel ta parce un zet politico cu solamente un amateur politico lo no comprende.

POR a perde Otmar Oduber cu 1800 voto, a perde Marisol Lopez-Tromp cu 400 voto y segun nos fuentenan confirma Andin ta bay MEP bek (1000 voto ultimo eleccion) cu tabata e base di POR.

Di unda Allan Howell ta saca den su cabez cu e lo por saca 3200 voto p'e partido saca asiento?

"Absurdo" t'e palabra cu a resalta di comentarionan politico. Fuera di esaki tabata e comentario tabata obvio SINKING SHIP el a pasa pa Allan Howell. Te asina leu cu nos sa Howell no ta un capitan pa scapa e barco.

E unico persona cu no ta wak esaki ta Alan Howell mes. Otmar Oduber ta bou di investigacion, Marisol a bay for di partido, Joselin Croes ta bay MEP, Dellanire ta bay MEP.

Aparentemente e salarioNAN cu cada un ta ricibi ta basta atractivo pa lague bay zomaar. Mientras cu Alan Howell ta pensa cu e por carga e partido su so. Nos lo sigui e desaroyo aki di serca y lo sigui informa nos comunidad. Mientrastanto nos a comprende cu Allan Howell lo a aserca partidonan mas grandi, pero ningun ta interesa den su candidatura.

Number y direccion ta conoci na Redaccion

Accidente no ta causa di morto di Katiusa Alvarez-Contreras, pero el a sufri un atake di curazon

FIN di siman e resultadonan di fayecimento di e dama Katiuska Z. Alvarez-Contreras a drenta for di Hospital na Departamento di Trafico di Cuerpo Policial.

E dama aki, manera ta conoci, tabata envolvi den un accidente di trafico dia 10 februari 2021 na altura di Savaneta y a fayece dia 13 di februari 2021.

E resultado di autopsia a muestra cu e dama aki no a muri a causa di e accidente sino por medio di un atake di curason.

Consecuentemente Ministerio Publico no ta considera e fayecimento di e dama aki como morto den trafico. Cuerpo Policial y AWEMainta kier a manda palabranan di condolencia y forsa n'e famia di e fayecida.

Aurora

Royal Pray

Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemiseega.
E ta hibaminaawatrankil,
Pa mi bolbehañaforsa".
Salmo: 23

Nos ta anuncia fayecimento di:



Bertilda Filomena Orman-Martinus
Cariñosamenteyama: "Filo" of "Mama Filo"
*06-09-1941 - †18-02-2021

Acto di entierro lo wordoanunciadespues.

Aurora

Royal Pray

Funeral Home & Crematory

Cu inmenso dolor nanoscurason,
peroconforme cu boluntad di Dios,
nos ta anuncia fayecimento inespera
di nos ser stima.



Julio van der Biezen
Cariñosamente yama "Jul"
*12 - 4 - 1941 † 17 - 2 - 2021

Na number di su:

Mayornan:

† Ludovicus y † Lucianita van der Biezen Jansen
Rumannan:

† Juan y Caridad van der Biezen

† Selsa van der Biezen

† Bernadetta y Antonio Jacobs y famia

Francisquita van der Biezen

† José van der Biezen

Benito y Delia van der Biezen y famia

Philomena y Edwin Daké y famia

Julieta van der Biezen

† Alfonso y † Alejandra van der Biezen y famia

† Elvira Solognier y famia

Glenda y Matthew McCarthy y famia

Rodolfo y Marjolene van der Biezen y famia

Primo y primanan, sobrino y sobrinanan.

Famianan: van der Biezen - Jansen - Jacobs -

Maldonado - Hernandez - Daké - Solognier - Donata -
McCarthy - Marquez - Croes - de Cuba - Hill.

Ta invita pa e acto di entierro cu lo tumalugardiamars 23
di februari 2021, pa 2 or di atardinamisa Santa Filomena
naParaderadespuessiguipasantanacatoliconaParadera.

Disculpasi den nostristesanos por a lubida un famia. Nos
ta lamenta cu despues di entieronos no por ricibibishita
di condolencianacas.

150 Ora kastigu di trabou demandá Alcalá Wallé

WILLEMSTAD - Ministerio Públiko a akusá eks Minister Marilyn Alcalá Wallé di a faya den duna informashonnan esensial ku kandidatonan pa Minister mester duna na informador i aki en especial a referí na e funshonnan di miembro di bestür di e organisashonnan siguiente, Direktor di **Alcalá CQI Medische Praktijk NV** (di su kasá), **tambe informashon relashoná ku su funshon den e bestür di Marilyn Alcalá-Wallé Foundation i di Road Runners Club Curaçao i e eksistensia di 4 kuenta bankario.**

Ministerio Públiko a konsiderá e señora aki su aktitut di keda sin duna e informashonnan aki asina robes ku a pasa over pa pèrsigui señora Alcalá Wallé, segun Fiskal mr. Oppe.

Promé ku a bai den detaye riba tratamentu di e kaso e Fiskal a hasi e observashon ku algun dokumento ku a drenta na último ora di parti di e abogadonan, a bai di tal forma ku mr. Oppe no a haña chèns di studia nan di manera ku el a menshoná e posibilidat pa wanta ku tratamentu di e kaso.

Pero tòg no a sosodé ku a para tratamentu di e kaso debí ku e dokumentonan a drenta na último momento, di manera ku tratamentu di e kaso a kontinuá kuminsando 9'or pa kaba te 2'or di mèrdia, esta muchu mas largu ku tabata planiá.

Pues e akusashon ta ku señora Marilyn Alcalá Wallé, tempu ku e tabata kandidato pa bira Minister na aña 2012 no a yena e formulario korekta-mente i a keda sin duna informashonnan ku a ferwagt di dje.

Ta un formulario ku ta kai i lanta ku e proseso di screening, es desir konsiderá nesesario pa kalifiká integridat di e kandidato en kuestion.

Mas aleu e formulario ta sirbi pa e formador di Gobièrnu por establese ku e

kandidato pa bira Minister no ta vulnerabel pa sirkunstansianan finansiero i òf polítiko relashoná ku su sirkunstansia personal i òf poseshonnan di e komunidad aki.

Pa ta eksakto t'asina ku un persona ku te asina leu tin sierto djòpnan ta kue òf ta okupá funshonnan na banda, mester pone esenan un abou di un manera formal, loke ta enserá ku mester terminá e inskripshon den e registro di Kámara di Komersio.

Pero segun Ministerio Públiko un di e promé pasonan ta ku e kandidato pa bira Minister mester informá formadó di Gobièrnu di su aktividatnan di manera ku formadó por laga averiguá si esakinan ta kompatibel ku e funshon komo Minister, komo tal den e kaso aki señora Marilyn Alcalá Wallé a faya di hasi.

Pa ta eksakto a menshoná ku señora Alcalá Wallé tabata inskribí for di novèmber 2002 den e bestür Alcalá CQI Medische Praktijk N.V. te despues ku el a para e inskripshon aki, despues di un reunion di Konseho di Minister, siendo Minister pa algun aña kaba.

Mas aleu tambe ta asina ku señora Alcalá Wallé tabata inskribí for di òktober 2012 komo Presidente di Marilyn Alcalá Foundation te ku dia e inskripshon na Kámara di Komersio a terminá den aña 2019, pero entre tantu segun Ministerio Públiko el a keda tur e tempu ei siendo Minister, tòg perteniente na e organisashon menshoná. Otro akusashon di parti Ministerio Públiko kontra señora Marilyn Alcalá Wallé t'esun ku for di novèmber 2013 e tabata forma parti di e organisashon di deportivo Road Runners Club Curaçao, ku tambe el a keda ofisialmente inskribí komo miembro di dje te sèptèmber 2019, siendo e tabatin algun aña kaba komo Minister di Enseñansa.

Na tur e organisashonnan ariba menshoná señora Alcalá Wallé a sigui paga kontribushon normal na Kámara di Komersio i den e rekisitorio di Fiskal mr. Oppe esaki ta keda ilustrá klaramente, menshonando e añanan 2017, 2018, 2019 i 2020.

Komo tal den bista di e Fiskal no por papia aki di inaktividat òf un organisashon temporalmente drumí. Ademas pagando kontribushon na Kámara di Komersio e organisashonnan aki den bista di Ministerio Públiko ta duna di konosé ku nan ta sigui den e posishon pa tuma akshonnan den kuadro di lei pa kontinuá ku nan que haceres di kustumber.

Un organisashon ta stòp di eksistí realmente na momento ku por papia di likidashon formalmente hasí den práktika. Den bista di Fiskal mr. Oppe e hecho ku por ta trata aki di konflikto di interes òf sea aktividatnan impugna ku e funshon di Minister di Enseñansa, Siensia, Kultura i Deporte (OWCS) ta klaramente notabel n'e organisashon Marilyn Alcalá Walle Foundation, ku a keda lantá pa sirbi eks studentenan ku problemanan finansiero ku pago bèk di debenan na Dienst Uitvoering Onderwijs (DUO).

Ta sin duda un aktividat noble i sigur nesesario, ku Marilyn Alcalá Wallé Foundation a desplega i ku parti di trabounan a keda konsiderá asina balioso ku a pasa esakinan over pa Gobièrnu. For di e trayekto aki te hasta a yega na areglonan mará na e trabou di deurwaarder.

E kuantanan bankario ku e señora a keda sin duna i òf menshoná riba e formulario ta 1 na MCB i 3 na ACU, pero el a referí na e hecho ku ta trata aki di sumanan bou di 20.000 florin pa kua no ta na nodi menshoná nan segun lei.

Kaso lo sigi den korte....

A stòrt plaka di Girobank pa paga bonus fiktisio

WILLEMSTAD - Dia 9 di maart proksimo e 'scam' den Girobank lo haña kontinuashon den Korte di Hustisia pa purba haña klaridat den e nèshi di araña di chanchuyo finansiero ku a tuma lugá den Girobank i ku manera ta parse, e plaka ku a 'sluis' riba kuenta di kompania a esfumá den espasio, pasobra Corte a duna Eric Garcia tur oportunidat pa lokalísá e plaka ku el a reparti, pero no por a produci un sèn pretu dia ku Corte a trata e kaso resientemente.

Esei ta un dje motibunan dikon Fiskal a pidi Corte pa bolbe detené Garcia pe bai sigi sinta su kastigu di prizon irevokabel, pero di tur manera dia 9 di maart lo tin kontinuashon di e kaso den Corte pa mira kiko por logra. Relashoná ku e enorme suma di riba 10 mion dòlar ku a fia na Girobank pa supuestamente kumpra Girobank kune, a bin sali na kla ku tabatin un aventura tambe ku pagamentu di bonus ku tin fuerte holó di evashon di belasting den henter e trammelant aki.

Dado momento entre nan ku nan den tòp di Girobank a reparti bonus via di un kuenta di e banko BGL i e sèn a keda depositá riba kuantanan pafó di pais, den e kaso aki na Merka, pero no a retené Loonbelasting riba e bonus aki. Tur e pagamentu di bonus aki a pasa for di bista di Inspectie di Belasting ku na bon Papiamentu ta evashon di belasting.

Gobiernu a pèrdè e kaso kontra e Direktor Finansiero di Girobank, Capello den promé instansia pero Gobiernu a pèrdè e kaso den prome instansia i awor a apela!

En todo kaso e veredikto intermedio ku a sali dia 9 di maart ta referi tambe na negoshi di mama di Capello. E negoshi yama Eclipse.

Fundeshi di e kaso ta ku na 2012 Girobank a duna garantia pa un fianza di BGL Born Group na Venezuela pa un suma di USD 9.444.444.

BGL a liberá e garantia despues, mientras ku Total Bank a duna Girobank un garantia pa loke BGL tabata debe Girobank pa un fianza di 7.260.000 dòlar Merikano "to finance working capital components".

Dia ku a habri e kuenta di BGL i a aproba e fianza a kometé komishon di kredito di Girobank a kometé diferente eror.

Na 2013 a deposita USD 547.000 riba kuenta di BGL prosedente di IIG Trade Opportunity Fund N.V. For di e plaka aki a stòrt plaka riba diferente kuenta pa bonus pa diferente persona konektá pa girobank i tambe riba kuenta di Eclipse Curacao, un negoshi di Mama di Capello, Direktor Finansiero di Girobank.

Pero Direktor di VGL a deklara bou di huramentu ku nunca el a fia plaka serka Girobank ni tin kuenta na Girobank.

Kiere desir ku miones di dòlar tabata zweef bai bin bou di kapa di un kompania fantasma.

Girobank awor ta den Corte pa rekuperá e sumanan ku a reparti pafó di bisa di belasting, pero tambe un supuesto fianza di mas ku 10 mion florin.

Kos ta bai bira interesante dia 9 di maart awor.

Si kaso kontra Alcalá-Wallé no ta arbitrario, kiko sí ta?

WILLEMSTAD - Pa loke t'e abogadonan enkargá ku defensa di señora Alcalá Wallé, kendenan ta mr. Bertie Braam, señora mr. Olga Kostrzewski i mr. Henriquez, por a konstatá ku esakinan a presentá debidamente harmá ku un defensa hopi fuerte must-rando ku aki ta trata puramente di un akusashon sumamente arbitrario di parti di Ministerio Públiko pa pèrsigui señora Marilyn Alcalá Wallé, siendo nada kastigabel no ta kometé.

E abogadonan a benta falta tambe riba formador di kende indirekto ta ser bisá ku e no a hasi su trabou debidamente, ounke Fiskal ta di otro opinion, esta ku señora Marilyn Alcalá no a entregá e informashonnan rekerí pa formador por a laga hasi e investigashonnan nesesario.

Señora Marilyn a konta ku el a aserká Minister Presidènt Eugene Rhuggenaath ku e pregunta si e mester baha komo Minister, pero esaki a bisé ku no ta na nodi. Grandi tabata su sorpresa ora Prokurador General a yam'é pa bis'é ku e ta un sospechoso.

Na palabra kontestando preguntanan di Hues señora mr. G Edelenbos, señora Alcalá Wallé a deklará ku ni den su pensamentunan mas remoto e no a yega na pensa ku e lo por a hañ'é den sala di Corte di e forma aki, akusá di a kometé aktonan kastigabel.

E ta di opinion ku Ministerio Públiko ta inhustu pa persiguié, siendo su koleganan Minister ta kana liber, anto ta den e mesun situashon kuné i aktuando di mesun forma.

Mas aleu señora Alcalá Wallé a men-shoná nòmber di Minister Presidènt Eugene Rhuggenaath, señora Zita Jesus Leito, Hensley Koeiman i hasta e Minister nobo di Enseñansa señor Steven Croes, ku segun señora Alcalá Wallé tambe mester aparesé den sala di Corte pa e mesun motibunan aki.

P'e kaso aki di akusashonnan kontra di señora Marilyn Alcalá Wallé ku a dura di nueb'or di mainta te dos or di mèrdia, Fiskal mr. Oppe a demandá un kastigu di trabou di 150 ora, sino 75 dia será, mas 3 luna kastigu di prizon kondishonal.

Hues señora mr. G. Edelenbosch a klousurá e seshon pa 2or di mèrdia ku e palabrashon ku dia 12 di maart lo e dikta e sentensia.



AWEMainta

E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL